

## حیجاب ایسلامین سس‌سیز پیام وئره‌نی

دانشگاه و حوزه موشاویری بونو دئماغینان کی حیجاب، ایسلامین سس‌سیز پیام وئره‌نیدیر، دئدی: حیجابین گوردوغو ایشلرین بیری بودور کی ایسلامین پیامینی بونسوز کی بیری‌اینن دانیشا اینتیقال وئریر.

دانشگاه و حوزه موشاویری بونو دئماغینان کی حیجاب، ایسلامین سس‌سیز پیام وئره‌نیدیر، دئدی: حیجابین گوردوغو ایشلرین بیری بودور کی ایسلامین پیامینی بونسوز کی بیری‌اینن دانیشا اینتیقال وئریر.

مریم محمود زاده فارس خیری باشگاهی «توانا»، آروادلار خبرنگاری‌اینن دانیشیقدا دئدی: حیجاب تکجه بیر اؤرتو دئیل بلکه بیر فرهنگدیر.



او دئدی: حیجاب خاص صورتده رعایت اولاندا بیر فرهنگی اینتیقال وئریر و ایسلام پیامی بو فرهنگ‌اینن باهم اولدوغونا گؤره موختلیف اولکه لرده جور به جور حیجاب نوعلرین رعایت ائله‌ین خانیم ایسلام پیامینی یاییر.

حوزه و دانشگاه موشاویری تأکید ائله‌دی: حیجاب ایسلامین بیر سمبولی کیمی مطرح‌دیر و ائله بونا خاطر ده غرب، ایسلامین یایلمماغیندان قورخور. سیکولار حوکومتلرینده بئله دئییلیر کی دینی سمبوللار گرك ایجتیماعی موخیطلردن آپریلا و بو ایناملار گرك شخصی باشیشدا اولا.

او ایدامه وئردی: بونا خاطر کی حیجاب خاص بیر دینین سمبولودور و موخاطبلره پیامی وار، یوخاری اهمیته مالیکدیر.

### \*حیجابدان قورخو همان ایسلامدان قورخودور

محمود زاده بونا ایشاره ائله‌ماغینان کی غرب اولکه‌لرینده حیجاب قورخوسو همان ایسلام قورخوسودور آرتیردی: موسلمانلار اؤز ایناملاری قوران و ایسلام پیغمبری حضرت محمدی(ص) مؤحترم سایماقلا برابر آپری دینلری و پیغمبرلره ده احتیرام قویورلار، آما غرب اولکه‌لرینده آپری دین پیغمبرلرینه او جومله‌دن ایسلاما توهین اولور.

او دئدی: اؤزونو آزادلیق بئشیگی آدلان‌دیران اولکه آمریکا دا موقدس قورانین اود وورولماسینا شاهید اولدوق. بو واقعیتده بیر برنامه تۆکولموش پروژه‌دیر. ضد ایسلامی فیلملر و کاریکاتورلار، موسلمانلاری خوشونتته موتهم ائله‌مک و حیجابلی خانیملارین دولتی و آموزشی یتلره گندمه‌سینی قاداغان ائله‌مک ایسلامدان قورخو پروژه‌سی چرچیوه‌سینده‌دیر.

### \*ساده‌لیقدیر کی حیجابی شخصی بیر مسأله بیلک

حوزه و دانشگاه موشاویری بونو دئماغینان کی حیجاب نه تکجه بوتون ایلاهی دینلرده وار بلکه اینشانین فیطرینه مربوطدور، آرتیردی: ساده‌لیقدیر کی حیجابی و گنییم طرزینی شخصی بیر مسأله بیلک. ایسلامی حیجابی رعایت ائدن هئج دانیشمادان، هر ینرده کی حاضر اولور بئله دئییر: «من موسلمانام» چونکی بو اؤرتو فقط موسلمانلارا مخصوصدور.

او بونا تأکید ائله‌ماغینان کی حیجاب، ایسلام سمبولودور: اگر حیجاب فرهنگی یاییلا، باعث اولاجاق ایسلام فرهنگی یاییلسین و غربده بونو ایسته‌میر چون اونلارین نظرینه گؤره ایسلام جامعیه‌سی گون به گون آرتماقدادیر و ائله بونا خاطر ده غرب اولکه‌لرینین چوخوندا مسجیدلردن اذان سسی گلمه‌سی و میناره دوزلتماغینان موخالیفت اولور.

محمودزاده بونو دئماغینان کی غرب جامعیه‌لرینده جماعت ایسلاما چوخ ماییلدیلر، ایدامه وئردی: حیجابلی خانیملار حمله ائتمک و مروه شروینین محکمه‌ده شهید اولماسی، بیر-بیرلرینین کناریندا غرب طرفیندن بیر پازلدیر کی جماعتی ایسلامدان قورخوتسون.